

其二

林下山間人市處處天遊在在在虛更不許絲毫增損具足無
餘漆桶甘沉黠鬧戲場自作塗糊枯骸隱几蒼天誰問枉用吹
噓 形名寓耳覩縷眞容非鉛非汞非珠縱舉似百端拈弄妙
處難模誰有輪扁手段成風去聖功夫頭頭物物洪纖巨細色
色如如

其三

二十年間曾記對語山陽森碧琅玕談笑裏蓬萊清淺陸漲波
瀾驚喜靈根無恙雙明玉樹同看攬搶境裏漫漫長夜共話團
樂 余生散漫江海虛舟一葉不揆循環俱老矣關河千里晤

道藏輯要

雲山集

三

又鼎集六

語良難自笑烟霞痼疾半生風月長閑別時好在雲根水骨相
對怡然

望海潮

春水初泮長川洶湧桃花碧漲波瀾海若幸臨馮夷自笑靈源
退鷁來還塗抹興闌珊便截斷懸流撥轉機關回首人間底事
膠擾蟻循環 遠遶世夢驚殘顧雲開岫幌月賁山顏芳草藉
茵森松偃蓋峰巒聳碧欄杆天地許多寬方自在無拘心契金
蘭寄語功成事遂佳處莫盟寒

洞仙歌

百年光影綠鬢須臾改擾擾勞生是非海料存亡隱顯盈虛興